

# Skýrsla umdæmisritara til 41.Umdæmisþings

**Höfn, Hornafirði 23-24 september 2011**

Eitt af verkefnum umdæmisritara er að leggja fram skýrslu sem unnin er úr upplýsingum sem koma fram á mánaðarskýrslum frá klúbbunum í umdæminu. Þessi skýrsla sem ég legg fram núna nær frá upphafi starfsárs til enda maí. Hjá flestum klúbbum hafa skýrsluskil verið mjög góð í vetur. Umdæmisritara hafa borist 259 skýrslur á þessu tímabili en 19 skýrslur vantar. Flestir ritarnir voru að standa sig mjög vel, skiluðu alltaf á réttum tíma og fylltu skýrsluna samviskusamlega út. Þeir sendu jafnvel með punkta um það helsta sem var að gerast hjá klúbbnum þeirra í hverjum mánuði fyrir sig. Mig langar að þakka þessum riturum fyrir því það skiptir svo miklu máli að skýrslurnar berist umdæminu á réttum tíma og að þær séu rétt útfylltar, svo hægt sé að fylgjast með stöðu klúbbsins. Eins vil ég hvetja verðandi ritara til þess að mæta í fræðsluna sem haldin verður í tengslum við þingið þar sem farið verður yfir hvernig á að fylla mánaðarskýrsluna rétt út.

Í Umdæminu Ísland – Færeyjar voru í upphafi starfsárs 34 klúbbar en í vetur bættust tveir klúbbar við, Kiwanisklúbburinn Varða í Reykjanesbæ og Kiwanisklúbburinn Eldfell í Kópavogi.

Samkvæmt skýrslunum voru Kiwanisfélagar í umdæminu 932 í upphafi starfsárs en samkvæmt maí skýrslum voru félagar 961. Á þessu tímabili hafa 74 gengið til liðs við hreyfinguna en 45 hafa hætt eða fallið frá. Til gamans má geta þes að í skýrslu umdæmisritara sem lögð var fram á þingi fyrir ári síðan kemur fram að félagar voru 882 þann 1. október 2009. Kiwanisfélögum hefur því fjölgað á tveimur árum um 79 féлага og þessu ber svo sannarlega að fagna því það er bæði nauðsynlegt fyrir hreyfinguna og gaman að fá nýtt fólk til liðs við okkur.

Nánast allir klúbbarnir eru að nýta sér félagatalið á heimasíðunni þar sem þeir skrá sjálfir inn nýja féлага, hætta féлага eða breytingar á heimilisföngum eða öðru. Miklu máli skiptir að allar upplýsingar um féлага séu rétt skráðar og það borgar sig að fara yfir þessar upplýsingar á hverju ári. Ef heimilisföngin eru ekki rétt fá Kiwanisfélagar t.d ekki Kiwanisfréttir og fleira sem sent er til féлага sem er ekki gott. Mig langar að hvetja ritarana til þess að skrá inn netföngin hjá félögum því oft er verið að senda upplýsingar til féлага í tölvupósti frá umdæminu. Taka skal fram að allar upplýsingar sem sendar eru Kiwanisfélögum með tölvupósti eru líka sendar forsetum klúbbanna. Til þess að þeir geti komið upplýsingum áfram til þeirra sem ekki eru nettengdir.

Á skýrslunum kemur fram að flestir klúbbarnir eru með tvo fundi í mánuði og nánast allir eru með tvo stjórnarfundum. Klúbbar gera mikið af því að fá til sín skemmtilega og fræðandi fyrirlesara á almennum fundum og ræða svo klúbbstarfið á félagsmálafundum. Töluverðar heimsóknir eru á milli klúbba, farið er á svæðisráðsfundi og ýmsar skemmtanir. Það er greinilegt að það er líf og fjör hjá nánast öllum klúbbum í umdæminu.

Mætingin er mjög góð en meðalmætingarprósenta hjá þeim klúbbum sem hafa skilað mér skýrslum á þessum 8 mánuðum er um 73%. Samt er ekki mikið um að mætingaviðurkenningar komi fram á skýrslum. Í lok maí voru 66 Kiwanisfélagar í leyfi frá Kiwanisstarfinu.

Kraftmikið og öflugt starf er það sem má lesa út úr skýrslunum á þessu tímabili. Klúbbarnir hafa safnað í styrkarsjóði sína um 32,5 milljónir og á sama tíma hafa þeir veitt styrki fyrir rúmar 23 milljónir. Kiwanisfélagar hafa unnið í samtals 19.349 klukkutíma, en þetta segir okkur hvað starfið er öflugt og hvað Kiwanisfélagar eru tilbúnir að leggja mikið á á sig í þágu hreyfingarinnar. Það sést svo sannarlega á þessu að fátt er eins gefandi og að láta gott af sér leiða. Við megum vera stolt af því að vera Kiwanisfélagar.

Önnur verkefni umdæmisritara er að vinna og gefa út Félagatal Umdæmisins í samvinnu við tengilið við gagnagrunninn. Það er alltaf ótrúleg vinna sem fer í það að safna upplýsingum frá klúbbunum eins og um næstu stjórn og mynd af forseta. Þessar upplýsingar eiga að berast með maí skýrslum en virðist oft gleymast hjá mörgum.

Umdæmisritari situr alla fundi framkvæmdaráðs og umdæmisstjórnar og skrifar fundargerðir. Fundargerðirnar frá umdæmisstjórnarfundum eru settar inn á heimasíðuna og vil ég hvetja sem flesta að lesa þær og fylgjast þannig með því sem er að gerast hjá hreyfingunni.

Ég hef nú starfað sem umdæmisritari í þrjú starfsár og þegar ég lít til baka þá hefur starfið verið mjög gefandi og skemmtilegt. Ég er reynslunni ríkari, hef kynnst fullt af góðu fólki um land allt og eignast góða vini. Mig langar að þakka öllum þeim sem ég hef átt samskipti við fyrir gott samstarf og skemmtileg kynni.